



REPUBLIKA E SHQIPËRISË
KËSHILLI I LARTË I PROKURORISË

VENDIM
Nr. 269, datë 23.12.2024

PËR
“CAKTIM TË PËRKOHSHËM TË DREJTUESIT TË PROKURISË PRANË
GJYKATËS TË SHKALLËS SË PARË TË JURIDIKSIONIT TË PËRGJITHSHËM
SHKODËR”

Këshilli i Lartë i Prokurorisë, me pjesëmarrjen e:


1. Zonjës Mirela BOGDANI	Kryetar
2. Zotit Sokol STOJANI	Anëtar
3. Zotit Zeqir HODA	Anëtar
4. Zonjës Arta MANDRO	Anëtar
5. Zonjës Ledina RIZA	Anëtar
6. Zotit Moisi DUDA	Anëtar
7. Zotit Vatë STAKA	Anëtar
8. Zotit Olger EMINAJ	Anëtar
9. Zotit Erind GËRMENJI	Anëtar
10. Zotit Erind MERKURI	Anëtar
11. Zoti Erion FEJZULLA	Anëtar

në mbledhjen e datës 23.12.2024, në përputhje me procedurën e përcaktuar në nenin 149/a të Kushtetutës së Republikës së Shqipërisë, nenin 59 pika 1 dhe 4, të ligjit Nr.96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, nenet 164 pika 8, 166 pika 2, 189 pika 1, germa “a” të ligjit nr.115/2016 “Për organet e qeverisjes së sistemit të drejtësisë” i ndryshuar, Rregulloren “Për caktimin e përkohshëm të prokurorëve” e ndryshuar, shqyrtoi çështjen me objekt:

**“CAKTIM TË PËRKOHSHËM TË DREJTUESIT TË PROKURISË PRANË GJYKATËS
TË SHKALLËS SË PARË TË JURIDIKSIONIT TË PËRGJITHSHËM SHKODËR”**

BAZA LIGJORE:

1. Neni 149/a të Kushtetutës së Republikës së Shqipërisë;
2. Neni 59 pika 1 dhe 4, të ligjit Nr.96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar;

- 
3. Nenet 164 pika 8, 166 pika 2, 189 pika 1, germa “a” të ligjit Nr.115/2016 “Për organet e qeverisjes së sistemit të drejtësisë” i ndryshuar;
 4. Rregullore “Për caktimin e përkohshëm të prokurorëve” e ndryshuar.

KËSHILLI I LARTË I PROKURORISË:

Nga shqyrtimi i materialit shkresor të përbërë nga:

- i. Relacioni shpjegues i përgatitur nga Komisioni për Zhvillimin e Karrierës nr. 2734 prot., datë 20.12.2024;
- ii. Projektvendimi i formatuar;

si dhe referuar bazës ligjore të lartpërmendur, përfshirë diskutimet në mbledhje mbi çështjen,

V Ë R E N:

1. Këshilli i Lartë i Prokurorisë është institucioni që garanton pavarësinë, disiplinën, statusin dhe karrierën e prokurorëve në Republikën e Shqipërisë. Brenda kompetencave ligjore dhe nënligjore, ai shqyrton, miraton ose refuzon kërkesat e prokurorëve për veprimtari jashtë funksioni.
2. Me vendimin e KLP-së nr.311, datë 04.10.2021, prokurori Albert Murçaj është caktuar nëpërmjet procedurës së ngritjes në detyrë, në pozicionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Shkodër. Ushtrimi i këtij funksioni për prokurorin Murçaj, fillonte në datë 04.10.2021 dhe përfundonte në datë 03.10.2024.
3. Me shkresën nr. 982 prot., datë 04.04.2024, zoti Murçaj paraqet kërkesën për rikandidim në pozicionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Shkodër, mbështetur në pikën 2 të nenit 52 të Ligjit për Statusin.
4. Këshilli në zbatim të pikës 3, të nenit 52 të Ligjit për Statusin, si dhe Rregulloreve “Për procedurën e verifikimit të kushteve dhe kritereve ligjore për rekrutimin, emërimin si magistrat dhe caktimin në pozicion të kandidatëve për prokurorë, si dhe zhvillimin e karrierës së prokurorëve” e ndryshuar” dhe “Mbi kriteret dhe procedurat e ngritjes në detyrë në pozicionin e drejtuesit në prokuroritë e juridiksionit të përgjithshëm” me vendimin nr.57, datë 25.04.2024, ka filluar procedurat e verifikimit të pasurisë dhe figurës për kandidatin që ka kandiduar për riemërim në pozicionin e drejtuesit në Prokurorinë Pranë Gjykatës së Shkallës së Parë të Juridiksionit të Përgjithshëm Shkodër zoti Albert Murçaj, si dhe ka caktuar me short relatorin për këtë procedurë.
5. Aktualisht, procedura e vlerësimit (vendim nr.406, datë 28.12.2023, të Këshillit të Lartë të Prokurorisë), sipas Rregullores “Për vlerësimin e drejtuesit të prokurorive të juridiksionit të përgjithshëm” për prokurorin Albert Murçaj, që ka rikandiduar për një mandat të dytë në pozicionin e drejtuesit, është ende në vijim.
6. Duke qenë se, me vendimin nr.206, datë 30.09.2024, të Këshillit zoti Murçaj është caktuar të ushtrojë funksionin e drejtuesit të zyrës së prokurorisë Shkodër për një periudhë deri në tre muaj, si dhe për shkak se, procedurat administrative lidhur



verifikimin e pasurisë dhe figurës dhe vlerësimin e veprimtarisë etike dhe profesionale sipas vendimeve të sipërcituara nuk kanë përfunduar, Komisioni i Zhvillimit të Karrierës ka propozuar caktimin përkohësisht të zotit Albert Murçaj, në pozicionin e drejtuesit në Prokurorinë pranë Gjykatës së Shkallës së Parë të Juridiksionit të Përgjithshëm Shkodër, për një periudhë deri në tre muaj.

7. Ky propozim vjen në zbatim të nenit 59 të ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, ku parashikohet se:

“1. Pozicioni i magjistratit mund të plotësohet përkohësisht, kur magjistrati me pozicion të përhershëm nuk është në gjendje të ushtrorë funksionin për një periudhë jo më shumë se tre muaj, për shkak të:

- a) caktimit në pozicione të tjera,*
- b) arsyeve të tjera të parashikuara nga ligji.*

Në referim të nenit 42/2, të ligjit të sipërpërmendur përcaktohet se:

“... Pozicioni është përkohësisht i lirë kur magjistrati që ka atë pozicion në mënyrë të përhershme, për të paktën 3 muaj, është përkohësisht në pamundësi për të ushtruar funksionin në atë pozicion.”

Referuar nenit 3 të Rregullores “Për caktimin e përkohshëm të prokurorëve” e ndryshuar, përcaktohet se:

“Neni 3

Kriteret për caktimin e përkohshëm të prokurorëve

- 1. Prokurori mund të caktohet përkohësisht në çdo pozicion të të njëjtit nivel ose të një niveli tjetër, për të cilin përmbush kërkesat dhe kriteret e parashikuara në ligj për këtë nivel apo pozicion, në të njëjtën prokurori ku ushtron funksionin ose në një prokurori tjetër.*
- 2. Këshilli i Lartë i Prokurorisë respekton për aq sa është e mundur vullnetin e prokurorëve gjatë caktimit të përkohshëm.”*

Për sa më sipër, Këshilli i Lartë i Prokurorisë konstaton se:

8. Plotesimi i pozicionit vakant të drejtuesit të Prokurorisë Shkodër është proces që garanton organizimin e punës në pikëpamje të mirëfunksionimit të zyrës së prokurorisë në fjalë, përfshirë planifikimin korrekt dhe efektivisht të punës së prokurorëve që puonojnë pranë kësaj zyre. Gjithashtu, KLP-ja vlerëson se zoti Murçaj përmbush kriteret ligjore për të kryer këtë funksion si i caktuar përkohësisht, përgjatë periudhës kohore pjesë e objektit të këtij vendimi.
9. Veprimtaria e drejtuesit të caktuar përkohësisht me afat deri në tre muaj, mund të ndërpritet në çdo moment nëse KLP vendos të vijojë me procedurat e emërimit të drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Shkodër.

PËR KËTO ARSYE:



Bazuar në nenin 149/a të Kushtetutës së Republikës së Shqipërisë, nenin 59 pika 1 dhe 4, të ligjit Nr.96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, nenet 164 pika 8, 166 pika 2, 189 pika 1, germa “a” të ligjit Nr.115/2016 “Për organet e qeverisjes së sistemit të drejtësisë” i ndryshuar, Rregulloren “Për caktimin e përkohshëm të prokurorëve” e ndryshuar, si dhe relacionin shpjegues të përgatitur nga Komisioni i Zhvillimit të Karrierës, Këshilli i Lartë i Prokurorisë,

V E N D O S I:

1. Zoti Albert Murçaj, aktualisht prokuror në Prokurorinë pranë Gjykatës së Shkallës së Parë të Juridiksionit të Përgjithshëm Shkodër, caktohet përkohësisht të ushtrojë funksionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Shkodër.
2. Zoti Albert Murçaj do të ushtrojë funksionin e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Shkodër për një periudhë deri në tre muaj.
3. Për periudhën e përmendur në pikën 2, zoti Albert Murçaj do të paguhet me pagën e drejtuesit të Prokurorisë pranë Gjykatës së Shkallës së Parë të Juridiksionit të Përgjithshëm Shkodër.
4. Të njoftohen për këtë vendim zoti Albert Murçaj, Prokurori i Përgjithshëm dhe Prokuroria pranë Gjykatës së Shkallës së Parë të Juridiksionit të Përgjithshëm Shkodër.
5. Ky vendim hyn në fuqi menjëherë dhe publikohet në faqen zyrtare web të Këshillit.

U shpall në Tiranë, sot më 23.12.2024.


KRYETAR
Mirela Bogdan


ANËTAR
Sokol Stojani


ANËTAR
Zeqir Hoda


ANËTAR
Arta Mandro


ANËTAR
Ledina Riza


ANËTAR
Moisi Duda


ANËTAR
Vatë Staka


ANËTAR
Olger Eminaj


ANËTAR
Erind Gërmenji


ANËTAR
Erind Merkuri


ANËTAR
Erion Fejzulla